

Aruba tin elogio grandi pa su Rey di Tumba

Den e dianan aki, Rolindo Dortalino ta un homber masha ocupa. E ta ricibi yamada constantemente sea pa presentacion of di parti di comercio pa ricibi regalo y elogio.

Mas reciente el a ricibi invitacion di Amstel Brouwerij na Corsow pa presenta den e jump-up cu lo tin e siman aki na Boneiro caminda e lo ta invitado special hunt cu Reina di Tumba di Corsow Elia Isenia y Rey di Tumba di Boneiro Gilbert Alberto.

E jump-up aki tabata ayera anochi saliendo di oficina di Don Andres pa JC Herrera cu ta oficina distribuidor di Amstel na e isla di Flamingo. Awe Rolindo ta sali di su isla natal pa cumpli cu su compromisonan na Aruba.

El a haya tempo tambe pa



graba un CD single cu e tema ganador di Tumba Aruba 2002 titula "Aruba ta bon conoci". E CD aki ta obtenibel na Blimpie den Havenstraat. Tambe por tuma contacto cu su persona pa

presentacionnan atraves di 5674029.

Den su plannan a corto plazo, Rolindo lo ta compañaando orquesta Dream den tur parada di Carnaval di Aruba. No ta

descarta su participacion den Festival di Tumba ABC

representando Aruba.

El a expresa cu su triunfo den Festival di Tumba Aruba 2002 ta un experiencia cu e no tin palabra p'e. E no a spera cu lo tin un impacto asina y esey el a ripara Diasabra ultimo den Calypso & Roadmarch Contest.

Riba e criticanan cu el a ricibi na prome instante despues di a sali ganador, Rolindo a bisa cu "mi ta stima tur esnan cu a criticami y lo mi un CD pa nan. E grupo cu ta pro ta esun cu ta stima e cultura aki. Tur caminda tin critica y semper mi sa di keda profesional."

Den definitiva Aruba a demostra cu nan tin elogio grandi pa Rolindo Dortalina.